

## Siunnersuummut oqaaseqaatit

### Oqaaseqaatit nalinginnaasut

#### 1. Aallaqqaasiut

Utoqqalinersiaqarneq pillugu aamma siusinaartumik pensionisiat pillugit Inatsisartut inatsisaata allanngortinneqarnerannut nr. 9, 20. juni 2022-meersukkut, 1. juli 2022-mi atuutilersinneqartoq, utoqqalinersiat toqqammaviusut aamma siusinaartumik pensionisiat qaffasinnerpaat qaffanneqarnerisigut, utoqqalinersiaqartut aningaasatigut tigatoriaannaat annertunerulissasut Naalakkersuisut kissaatigaat.

Utoqqalinersiat toqqammaviusut aningaasartaasa aamma siusinaartumik pensionisiat qaffasinnerpaat qaffanneqarmata kinguneraat ineqarnermut tapiissutit pillugit naatsorsuinermit tunngaviusoq qaffanneqarpoq taamaalilluni ineqarnermut tapiissutit apparlutik. Tamanna isumaqarpoq, utoqqalinersiat toqqammaviusumik aningaasartaat aamma siusinaartumik pensionisiat qaffasinnerpaat qaffanneqarnerisa ineqarnermut tapiissutit maannakkumut pisinnaatitaaffiusut ilanngarneqarput.

Taamaattumik inatsimmi allannguinermit matumani, inatsit nr. 9, 20. juni 2022 akuersissutigineqartumi, siunertaavoq utoqqalinersiaqartunut aamma siusinaartumik pensionisiaqartunut qaffaaneq tamakkiisumik iluaqutaanissaa, tamannalu naggataatigut utoqqalinersiaqartunut pitsaaneruseqarpoq aningaasaqarnikkut atugassaqaartitsissalluni. Taamaalilluni Inatsisartut inatsisaat nr. 9, 20. juni 2022 naapertorlugu utoqqalinersianik qaffaanermit siunertat tamakkiisumik iluatsissalluni.

#### 2. Siunnersuummi immikkoortut pingaarnerit

Inissianik attartornermit ineqarnermut tapiissutitut tunngatillugu immikkut ilanngaataasartut (utoqqalinersialinnut siusinaartumillu pensionisialinnut) maannakkut isertitanut naleqqiullugu kr. 4.100-miit utoqqalinersialinnut kr. 11.862,00-mut aamma siusinaartumik pensionisialinnut 7.219,00-mut qaffanneqassapput.

#### 3. Pisortanut aningaasaqarnikkut allaffissornikkullu kingunerisassai

Siunnersuutip utoqqalinersianik siusinaartumillu pensionisianik qaffaanerup 1. juli 2022-mi ineqarnermut tapiissutitut malitseqartitsineranik sipaaruteqarnertut matussusissavaa.

Tamanna aningaasaqarnikkut inuiaqatigiinnilu agguataarnerup nikerarneranit attuumassuteqaangitsumik immikkoortillugu isigigaanni.

Tassa imaappoq, ataatsimut isigalugu aningaasartuuteqarneruneq taanna, utoqqalinersiaqarneq pillugu Inatsisartut inatsisaannik aamma siusinaartumik pensionisiat pillugit Inatsisartut inatsisaannik allanngortitsinikkut Inatsisartut inatsisaannik nr. 9, 20. juni 2022-mi atuutilersinneqartup, utoqqalinersiaqarnermit toqqammaviusumik aningaasartat aamma

siusinaartumik pensionisiat qaffasinnerpaat qaffanneqarnerisa kingunerisaanik sipaaruteqarnikkut matussuserneqassaaq. Aningaasaqarnermut Naligiissitaanermullu Naalakkersuisoqarfik malillugu tamanna ineqarnermut tapiissutitut aningaasaliissutitut allannguuteqanngilaq, nalilerneqarpormi aningaasaliissutitut sunniutaa ima annikitsigisoq allannguissamik malitseqartitsisoqarnani. Inatsimmik allanguineq kommunit allaffissorneranut malitseqarnaviannngilaq, kommunit ullumikkut tapiissutitik aaqqissuussinermik atugaannik qaffaaneruinnarnerummat.

#### **4. Inuussutissarsiortunut aningaasaqarnikkut allaffissornikkullu kingunerisassai**

Inuussutissarsiortunut aningaasaqarnikkut allaffissornikkullu kingunerisassaanik soqanngilaq.

#### **5. Avatangiisinut, pinngortitamut imaluunniit inuit peqqissuunissaannut kingunerisassai**

Avatangiisinut, pinngortitamut imaluunniit inuit peqqissusaannut kingunerisassaanik soqanngilaq.

#### **6. Innuttaasunut kingunerisassai**

Utoqqalinersialinnut ineqarnermut tapiissutitik pisartagaqartunut isumaqassaaq, inatsisip allannguutaata atuutilersinnerani aningaasaqarnikkut tigoriaannaat ineqarnermut tapiissutitut amerlinerannik. Ineqarnermut tapiissutit qaffasissusiat apeqqutaassaaq qanoq inimit akiliutit annertussuseqarnersut aamma inoqutigii isertitaat. Kisitsisit taakku marluk namminerisamik akiliuteqarnissamut aallaaviussapput, taamaalillunilu ineqarnermut tapiissutit qanoq annertutigissanersut.

#### **7. Allanut pingaarutilinnut kingunerisassai**

Siunnersuut allanut pingaarutilinnut kingunerisassaanik soqanngilaq.

#### **8. Tusarniaaneq**

Siunnersuut piffissami xxx-miit xxx-mut tusarniaanermut nittartakkami tamanut saqqummiunneqarpoq [www.naalakkersuisut.gl](http://www.naalakkersuisut.gl).

Siunnersuut piffissami taaneqartumi tusarniaanermut illuatungeriinni tusarniaassutigineqarpoq:

## Siunnersuummi aalajangersakkat ataasiakkaanut oqaaseqaatit

### § 1-imut

nr. 1-imut

Utoqqalinersiallit tassaapput innuttaasut utoqqaat, Inatsisartut inatsisaanni nr. 20, 23. november 2015-imeersumi kingusinnerusukkut allannguutai ilanngullugit, kiisalu innuttaasoq Inatsisartut inatsisaanni nr. 40, 9. december 2015-imeersumi kingusinnerusukkut allannguutai ilanngullugit, ilaatinneqartut.

Aalajangersakkami aningaasartat amerlassusaat taaneqarpoq, utoqqalinersialinnut aamma siusinaartumik pensionisialinnut ineqarnermut tapiissutit pillugit isertitanik naatsorsuinnermut tunngavissaq ilanngaatineqarnissaa naatsorsorneqartillugu.

Allannguutip aalajangersakkami maannakkut atuuttumi § 1-mi, *taamaallaat* aningaasat ilanngaatineqartussat kisimik kalluarpai. Tamatumunnga pissutaavoq, allannguinerit siunertarimmassuk aningaasaqarnikkut eqquinerlunneq, Inatsisartut inatsisaat nr. 9, 20. juni 2022-meersoq naapertorlugu utoqqalinersiat toqqammaviusumik aningaasartaannik aamma siusinaartumik pensionisiat qaffasinnerpaat qaffanneqarnerisa kingunerisaanik ineqarnermut tapiissutit amerlassusaannik sunniuteqarneq.

Taamaattumik allannguineq pisooqataavoq ineqarnermut tapiissutit amerlassusaannik iluarsiiisuteqarnissamut, imaalillugu utoqqalinersiat siusinaartumillu pensionisiat allanngortinneqarnerisa 2022-mi sioqqullugu tapiissutit amerlaqataanut utertillugit.

Utoqqalinersiaqarneq pillugu inatsit allanngortinnerani utoqqalinersiat qaffanneqarput kr. 73.239,00-nut; qaffaaneq ukiumut kr. 7.587,00-it 1. juli 2022-mi atuutilersoq (Inatsimmi nr. 9, 20. juni 2022-meersumi § 1, nr. 1 naleqq. Kaajall. Nr. 294, 6. December 2021-meersumi § 5, imm. 1, nr. 1.).

Inatsimmik allannguinnermi tassani siusinaartumik pensionisiat qaffasinnerpaat qaffanneqarput kr. 124.340,00-nut; qaffaaneq ukiumut kr. 3.049,00-it pr. 1. juli 2022-mi atuutilersoq. (Inatsimmi nr. 9, 20. juni 2022-meersumi § 2, nr. 1, oqaas.siull. naleqq. kaajall. nr. 294, 6. december 2021-meersumi § 6, imm. 1, nr. 1.)

Qaffaanerit taakkua ineqarnermut tapiissutit pillugit inatsimmi § 5, imm. 1-imut naleqqiullugit isertitanut tunngavissatut naatsorsuinnermut qaffaanermit sunneeqataapput taamaalillutillu ineqarnermut tapiissutit pillugit nalunaarummut naleqqiullugit malitsigisaanik appaasoqarluni (Ineqarnermut tapiissutisinissamut appariartuaartitsinissamut killiliussat, aningaasanut killiliussat, akiliutip ilaata agguaqatigiissinnera nammineq akiligassaq kiisalu ineqarnermut tapiissutit aningaasartaasa minnerpaaffissaat annerpaaffissaallu pillugit Namminersorlutik Oqartussat nalunaarutaat nr. 20, 24. novembari 2017-imeersoq) tak. inatsimmi § 8, imm. 2.

Utoqqalinersiat aamma siusinaartumik pensionisiat aningaasartaannik qaffaaneq assigiimmik amerlassuseqanngimmata, aningaasartai eqqarsaatigalugit imaluunniit procentinngorlugit, inatsimmik allannguneq assigiinngisitaassaaq erseqqissumillu utoqqalinersianut siusinaartumillu pensionisiat qaffasinnerpaannut tunngassuteqarluni, tamarmik immikkut.

Siunnersuummi inatsisip atuutilerfissaa 1. juli 2023-uvoq. Taamaattumik aningaasat iluarsineqarsinnaasut 2023-mut iluarsineqassapput. 2023-mut procenti aaqqiissutissaq naapertorlugu (102,3 % 1. Januar 2023-mi) procenti aaqqiissutissaq tamanut saqqummiunneqartoq 25. maj 2022 naapertorlugu.

Suleriaaseq tassaavoq, utoqqalinersiat aningaasartaat 1. januar 2022 (kr. 65.652,00 Kaajall. nr. 294, 6. december 2021-meersumi § 5, imm. 1, nr. 1 naapertorlugu) iluarsineqassasut 2023-mi annertussutsit atorlugit (102,3%), inernerivaa kr. 67.162,00. Aningaasat taakku tassaassagalarput 1. januar 2023-mi atuuttussat, 1. juli 2022-mi allannguisoqanngikkalarpat. Utoqqalinersiaqarneq pillugu inatsit allanngortinneqarmat aningaasat 1. juli 2022-mi kr. 73.239,00-nut aalajangersarneqarput. Aningaasat 2023-mi annertussutsit atorlugit 1. januar 2023-mi kr. 74.923,50-inngorput.

Kisitsisit taakkua ilanngaaticigaanni, kr. 7.762,00-nik inerneqassaaq, tassaallunilu 1. juli 2023-mi utoqqalinersiat qaffanneqarneranni amerlassusissaviat. Soorlu qulaani taaneqartoq, naatsorsuineri periuseq taanna tunngaveqartinneqarpoq inatsisimmik allannguutissatut siunnersuutip matuma atuutilernerani ullua; 1. juli 2023.

Siusinaartumik pensionisiat qaffasinnerpaat qaffanneqarnerannut naleqqiullugu naatsorsuineq assinga imaappoq.

Siusinaartumik pensionisiat qaffasinnerpaat 1. januar 2022-mi atuuttut (kr. 121.291,00 Kaajall. Nr. 294, 6. December 2021-meersumi § 6, imm. 1, nr. 1. naapertorlugu) 2023-mi annertussutsit atorlugit iluarsineqassapput (102,3%), inernerivaa kr. 124.340,00. Aningaasat taakku tassaassagalarput 1. januar 2023-mi atuuttussat, 1. juli 2022-mi allannguisoqanngikkalarpat. Siusinaartumik pensionisiat pillugit inatsit allanngortinneqarmat aningaasat 1. juli 2022-mi kr. 124.340,00-nut aalajangersarneqarput. Aningaasat 2023-mi annertussutsit atorlugit 1. juli 2023-mi kr. 127.199,82-inngorput, inatsisip allannguutip atuutilersinneqarpat.

Kisitsisit taakkua ilanngaaticigaanni, kr. 3.119,00 inerneqassaaq, tassaallunilu 1. juli 2023-mi siusinaartumik pensionisiat qaffasinnerpaat qaffanneqarneranni amerlassusissaviat. Malugeqquneqarpoq aamma erseqqissaqqinneqaaqqippoq, naatsorsuineri periuseq taanna tunngaveqartinneqarpoq inatsimmik allannguutissatut siunnersuutip matuma atuutilernerani ullua.

Aningaasat assigiinngissutaat naatsorsorneqartut ilaneqassapput kr. 4.100-nik inernerissavaalu kr. 11.862,00 aamma 7.219,00 taama malittariillutik utoqqalinersialinnut siusinaartumillu pensionisialinnut.

*§ 2-mut*

Siunnersuut atuutilersinneqassaaq 1. juli 2023.

Siunertaavoq iluarsiiissuteqarneq piaarnerpaamik pissasoq, utoqqalinersiaqartut  
siusinaartumillu pensionisiaqartut aningaasaqarnikkut tigatoriaannaasaat  
pitsanngorniassammata.

| <b>Inatsisissatut siunnersuut inatsimmut atuuttumut sanilliullugu</b>                                                                                                                                                                                                                                                                                                                                                      |                                                                                                                                                                                                                                                                                                                                                                                                                                                                                                   |
|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <i>Atuuttup oqaasiliornera</i>                                                                                                                                                                                                                                                                                                                                                                                             | <i>Inatsisissatut siunnersuut</i>                                                                                                                                                                                                                                                                                                                                                                                                                                                                 |
|                                                                                                                                                                                                                                                                                                                                                                                                                            | <p><b>§ 1.</b></p> <p>Inissiani attartortittakkani ineqarnermut tapiissutit pillugit Inatsisartut inatsisaat nr. 23, 7. december 2015-imeersoq, Inatsisartut inatsisaannik nr. 32, 23. november 2017-imeersukkut allanngortinneqartoq, uku allanngortinneqarput:</p>                                                                                                                                                                                                                              |
| <p><b>§ 5.</b> Inissiani attartortittakkani akiliutinut tapiissutit inigisamut akiliutit annertussusaat, najugaqatigiillu tamakkiisumik isertitarisaat aammalu inissiap pissuserisaa naapertorlugit taamatullu najugaqatigiinni 18-t inorlugit ukioqartut amerlassusaat naapertorlugit aalajangersaavigineqartarput. Pensionisialimmut tunngatillugu taasumap isertitarisaanit 4.100 kr.-nit ilanngaatineqartassapput.</p> | <p><b>1. ”§ 5.</b> Inissiani attartortittakkani ineqarnermut tapiissutit inigisamut akiliutit annertussusaat, najugaqatigiit tamakkiisumik isertitarisaat aamma inissiap pissuserisaa kiisalu najugaqatigiinni 18-t inorlugit ukioqartut amerlassusaat tunngavigalugit naatsorsorneqartarput. Utoqqalinersialimmut tunngatillugu taassuma isertitarisaanit 11.862 kr-it aamma siusinaartumik pensionisialimmut tunngatillugu taassuma isertitarisaanit 7.219 kr-it ilanngaatineqartassapput.”</p> |
|                                                                                                                                                                                                                                                                                                                                                                                                                            | <p><b>§ 2.</b></p> <p>Inatsisartut inatsisaat 1. juli 2023 atuutilissaaq.</p>                                                                                                                                                                                                                                                                                                                                                                                                                     |